

# ÅRSMELDING FOR NIL BERGENSGRUPPEN 2016

## Styret i 2016:

Karoline Løken Helland (leiar)  
Stine Aas (kasserer)  
Beata Brzoza  
Marianne Brattebø  
Astrid Emmerhoff Lothe (studentrepresentant)

## Styret

Ved årsmøtet i fjor trakk alle i styret seg. Karoline Løken Helland sa seg villig til å sitte som leiar eitt år ekstra om det ikkje var andre om var interessert i vervet. Stine Aas har sete som kasserar, Marianne Brattebø og Beata Brzoza som styremedlem og Astrid Emmerhoff Lothe som studentrepresentant.

Då styret starta opp arbeidet gjekk mykje av tida til opplæring av nye medlem og å planlegge kva styret ville utrette den komande perioden. Det nye styret har ønskja å ha fokus på å ha fleire mindre arrangement ofte, heller enn få og store arrangement. Styret meiner at medlemma vil nyte godt av dette, særleg våren 2017.

Det har også vore særleg viktig å oppretthalde samarbeidet med Bergen Arkitektforening (BAF), då det i 2016 vart vedtak at det ikkje blir stifta ein ny organisasjon med NAL, NIL og NLA. Det har likevel vore krevjande å få til eit samarbeid med BAF, til tross for at me har ein representant i styret som er svært engasjert i dette arbeidet.

Styret har også følgd opp prosessen rundt "Nye NIL" ved å gi tilbakemeldingar til sentralstyret.

I år som i fjor har me arbeidd for å gjere NIL meir synleg og attraktivt for studentar. På den måten sikrar me framtidig rekruttering av NIL-medlem. Me har gjennomført 2 arrangement på KHiB, kor det vart verva om lag 30 nye studentmedlem.

## Landsmøtet i Oslo 20. april

Karoline Løken Helland og Lene Pettersen Utbjøe deltok på Landsmøtet i Oslo den 20. april 2016, som representantar for Bergensgruppen. Representantane hadde med seg 6 fullmakter frå regionen vår.

Bergensgruppen hadde på førehand meldt inn fem saker til Landsmøtet. Desse var:

1. Wild-cardordning
2. Avsatt plass til nyetablerte firmaer i årboka
3. Stipend til fotodokumentasjon av prosjekter for små firma
4. Digitalisering av tidsskrifter
5. Godtgjersle for styreverv i lokallagsstyrene

Det var bestemt at NIL skulle inngå i Wildcard-ordninga fra 2016. Dessverre trakk myndighetene tilbake all stønad til prosjektet, og det er difor avslutta. Sentralstyret synest sak 2 om avsatt plass til nyetablerte firmaer i årboka var ein god ide. Dette kan styret i samarbeid med prosjektleiar, redaksjon og jury for årboka legge til rette for. Saka blei ikkje lagt fram for landsmøtet.

Når det gjeld sak 3 om stipend til fotodokumentasjon av prosjekter for små firma var Sentralstyret si tilbakemelding at om ei slik sak skal fremjast på Landsmøtet lyt forslagstillarane presentere forslag til finansiering. Forslaget vart ikkje førelagt landsmøtet.

Sentralstyret si tilbakemelding på framleggset som gjaldt digitalisering av tidsskrifter var at nettsidene til Arkitektnytt skal forbedrast/utviklast, men at dei har ikkje planar om å slutt med dei trykte utgåvene. Saka blei ikkje lagt fram for landsmøtet.

Sak 5 om godtgjersle for styrearbeid vart teke opp på landsmøtet. Som følgje av vedtaket på landsmøtet får no alle styreleiarar dekkonfingenen om ein har oppnådd minstekravet til aktivitet som står i lokallagsvedtekten.

## Aktivitet

Styret har gjennomført følgjande aktiviteter i året som har gått:


- NIL-arrangement på KHiB (21. januar)
- Årsmøte og årsfest med presentasjon av Bien Snackbar (25. februar)
- Synfaring på Sparebanken Vest (2. mars)
- Workshop "Nye NIL" (18. august)
- Fagleg kveld på Amalies Hage (31. oktober)
- NIL-arrangement på KHiB (25. november)
- Omvising på Villa Terminus (5. desember)
- Styremøter (2. februar, 3. mai, 7. september, 16. november)

Styret har også søkt om og fått tildele midlar til følgjande arrangement i 2017:

- støtte årsmøte 2016
- støtte til arrangement med ClaessonKoivistoRune
- støtte til synfaring på Skogvåg skule

Ved årsmøte for 2016, 23. februar 2017, kjem eg, Karoline Løken Helland til å trekkje meg som styreleiar av NIL Bergensgruppen. Eg vil med dette takke for tre svært lærerike og kjekke år i lokallagsstyret, og ønskjer ny leiar og styret lykke til vidare. Det er mange arrangement planlagt fram mot hausten og eg har trua på at 2017 blir eit svært bra år for NIL Bergensgruppen!

Vennleg helsing



Karoline Løken Helland  
Styreleiar i NIL Bergensgruppen  
Tlf: 91753395  
E-post: Karoline.Helland@gmail.com